

nigris, articulo primo apicem clypei haud superante, secundo latitudini capitis cum oculis aequae longo, articulis ultimis pallide flaventibus; coxis femoribusque obscure rufescenti-piceis, trochanteribus, apicibus femorum anteriorum, tibiis tarsisque pallide flaventibus, tibiis spinulis nigris e punctis nigro-fuscis nascentibus, anticis punctis destitutis; hemielytris obscure rufescenti-fuliginosis, corio basin versus livido, margine apicali corii tenuiter albido, membrana fumata, macula parva ad apicem cunei hyalina. ♀. Long. $1\frac{3}{4}$, lat. vix 1 mm.

Cornu Vacca, m. Januarii, 1 sp.

Species statura parva, corpore albido-tomentoso, colore structuraque antennarum mox distinguenda. Corpus (♀) sat breviter obovatum. Caput (♀) basi pronoti paullo magis quam $\frac{1}{4}$ angustius, ab antico visum fortius transversum, vertice oculo circiter duplo latiore, gula haud distinguenda. Rostrum nigrum. Pronotum longitudine paullo magis quam duplo latius. Hemielytra feminae abdomen paullulum superantia.

Psallus sparsus (Dist.). Sordide rubido-albus, opaculus; clypeo lorisque lineis, fronte utrinque striolis transversalibus, vertice utrinque ad oculum macula punctisque duobus marginis postici ferrugineis vel rufo-castaneis; pronoto hemielytrisque maculis parvis dilute rufo-castaneis irroratis, his maculis praecipue in partem apicalem pronoti collocatis; scutello castaneo-fusco, apice pallidiore; membrana fumata; pectore fusco, marginibus pallidis; ventre medio late infuscato; femoribus punctis minutis fuscis dense conspersis, solum extrema basi innotatis, posticis apice puncto magno setifero nigro-fusco ante apicem marginis superioris; tibus tenuiter pallido-spinulosis, spinulis e punctis minutis fuscis nascentibus; tarsis extremo apice articuli ultimi fusco. ♂. Long. 3, lat. 1 mm.

Lygus sparsus Dist., Biol. Centr.-amer., Rhynch. Heter., p. 434, 7 a, Tab. XXXVII, Fig. 19.

Guadalupe.

Corpus maris valde oblongum, hemielytris parallelis. Caput basi pronoti circiter $\frac{3}{7}$ angustius, ab antico visum latitudini cum oculis aequae longum, vertice oculo circiter $2\frac{2}{3}$ latiore. Oculi parvuli, granulati. Rostrum coxas posticas paullo superans. Antennae albae, articulo secundo margini basali pronoti longitudine subaequali. Pronotum basi longitudine circiter $2\frac{1}{2}$ latius. Hemielytra abdomen sat longe superantia. Tarsi articulo tertio secundo longiore.

Oriq̄aba nov. gen.

Corpus maris valde oblongum vel subelongatum, lateribus hemielytrorum parallelis, pilis facillime divellendis vestitum; capite subverticali, basi pronoti angustiore apiceque ejus sat multo latiore, a supero viso pronoto saltem $\frac{1}{3}$ brevior, ab antico viso fortiter transversa, infra oculos brevissime producta, a latere viso altitudine distincte brevior, vertice aequali, immarginato, fronte subperpendiculari, clypeo vix prominulo, depresso, basi cum fronte confluenta, ipsa basi infra medium capitis a latere visi posita, angulo faciali acuto, loris discretis, bucculis linearibus, genis et gula haud distinguendis; oculis maris magnis, fortiter exsertis, totam altitudinem capitis occupantibus, orbita interiore apicem versus fortiter divergentibus, mox ante apicem sinuato-emarginatis et dein iterum convergentibus; rostro gracili, articulo primo longitudine capitis; antennis in sinu subapicali oculorum interne insertis, articulo primo brevi, sed apicem clypei longe superante, secundo maris lineariter incrassato (ultimi desunt), sat longo; pronoto transversa,